

Mau, 5j.



suechet äs nöiies Daheime mit Freigang ufm Land

Miau, miau

Dörft ig mi vorschtäue? Ig bi dr Chatr Mau, bin ig nit härzig? Ig bi uf dr Suechi nach eme nöiie, ganz schpezieue Daheime. Warum? Ig bi (leidr) sähr verfrässe u i dr Umgäbig fütterere mi viu Lüt, obwou sy's nid sötte. Ig gang vo eim zum angeri zum Ässe u mi zieht's Scho gar nüm hei. Dihei git's ja nur Diät! Itze suechet sy schwären Härzens es Daheime für mi, wo ig nid frömd-ässe cha. S'isch für mini Gsundheit. Drum!

Ig bi 5jährig, kaschtriert, gimpft, chippet, schtuberein, gsung, abr es bitzeli (arg) z'dick (nün Kilo, sag ig nur), aahängelech u zutroulelech, sähr nöigiirig u sähr mönschebezoge. Es ganz es liebs u luschtigs Kärli, entschannt u unerschrocke gägeüber fascht auem, Hüng u Outos machet mir chei Angscht. Ig sueche d'Nähe vo mini Mönsche (wenn ig denn mou daheime bi), pfluuse gärn i ihrm Bettli u lah mi ou gärn schtriichele. Auso am Chöppli u am Haus, hinge ja nid! Mis liebschtes Hobby, fragsch Du? Ässe, aues, immr, überau, bi jädem. U das isches Problem, mi fütterere sy überau u ig ässe aues, das isch uf Duur nid guet für mi Gsundheit, ig weiss es, abr es schmeckt, ig cha nid nei säge.

Ig sueche erfahreni u zueverlässigi Lüüt mit eme ruhige Huushaut, die uf mini Ernährig luege u mit mir Diät mache. Hung, Chatz u chliini Ching wott ig nid, grösseri so ab 10i ginge. U ig bruuche wiedr Freigang, am Bäschte im e grosse gsicherete Garte odr i sähr ländlecher Umgäbig, dört wo wänig Nachbare sy u wo mi cheinr frömdfütteret. Es Chatzetörli hätt ig ou wiedr gärn odr wiusch Du ou nachts Türliöffner schpiue? Ebel!

Chönttisch Du mir so öppis biete? Bisch Du viu daheime u hesch viu Ziit? Ziit, mi vom Ässe abz'länke? U geits bi Dir ruhig u gmüetlech zu? U würdsch Du Di um mini Gsundheit chümmere u uf mi uffpasse? Ja? Denn chöntnt das mis nöie Daheime sy, denn müesset mir üs unbedingt lehre chenue. Ig wohne im Moment no z'Arlesheim/BL, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suecht für mi das nöiie Plätzli. Wenn chommsch Du mi bsueche?

Din Mau



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch